


इसू ख्रिस्त



दुन्याल बदलूनारो

काय हाय...

आशिर्वाद: जे पोरमेहेरा मरजी की जीवतेहें तियाहांन तो दां मागेहे ती बादी हारी वस्तु.

इसू: पोरमेहेरा पोयरा नांव, जिय्या आर्थ, 'पोरमेहेर बाचावेहे'.

इस्टर: ओ इसू मोता मेने फाचें जीवी उठनू सण हाय. आन इया दिह्यांन यहूदी लोक बी वल्हाडण सण वालताहा. (38-54)

कायम रेनारों जीवन: इसू आरी जीवन, जी पोरमेहेरा योजना हाय. इं मोता मेने निंगी आवनू हाय, जिय्या कोदिहीज शेवट नाहां. (23, 29-30 आन 59)

काल्योपूत: पोरमेहेरा आन माअहां नांय देखानारो शत्रु (तियाल शैतान बी आखतेहें).

क्रूस: तारास देवनू आडवों उबों लाकडों, जिया वे इसू सौताहा इच्छा की मोअयो. इं इसू फाचाडी चालनारा बादाहां खातोर निसाणी बनी गियोहों. (25, 50)

ख्रिस्त: 'अभीषेक केअलो राजो'. इब्री भाषाम मसीहा आन तिय्या अनुवाद ग्रिक भाषाम ख्रिस्त. (52, 55)

चेलो: इसू फाचाडी चालनारो. (p. 18)

पवित्र आत्मों: पोरमेहेरा आत्मों, तिया की पोरमेहेर इसू फाचाडी चालनारें हाय तियाहांम रां मागेहे. (58)

पाप: जों काम आपु पोरमेहेरा इच्छा विरुद केअताहा तों आन पोरमेहेरा आपु खातोर जो उद्देश हाय तिय्या इहीं पोचां खातोर जों काम आपुहून ओटकावेहे तों. (4)

पोरमेहेरा राज्यों: जिहीं लोक पोरमेहेरा हुकूम पालताहा तिहीं तिय्या राज्यों रेहे.

पोरमेहेरा पोयरो: इं इसू नांव हाय. पोरमेहेरा पोयरो एहेंकी माअहां रुपलीन इयो तोरती वे आल्लो, तो पोरमेहेर.

प्रभु भोज: इसू फाचाडी चालनारें माडा की आन दाक्षाहां रोहा की तिय्या मोता आन फाचें जीवी उठचो तों इतवुनू. (41)

प्रार्थना: मोना-मोनाम नेता मोडेने, तुमा पोरमेहेरा आरी गोगतेहें आन तो उनाहाय. (18, 19, 42)

फाचें आवनू: जाहां इसू फाचें तोरती वे फिरी आवी ताहां बादों काय नवों केरी. पोरमेहेर होरगों आन तोरती बी नवी केरी. (57)

बायबल: बायबलाम पोरमेहेर लोकाहांन केहेंकी वेअहे आन तो लोकाहां आरी केहेंकी वेहेवार केअहें इं तुमा वाची सेकतेहें.

माफी: केडोंज माफी मिलनू लायक नाहां तेबी पोरमेहेर माफ केअहे. जाहां तुमा पापा बदल खेरा मोना की पोसतावो कीन सौताहाल बदलां मागतेहे ताहां पोरमेहेर माफ केअहे. इ माफी इय्या खातोर मिलेहे का जो डोंड आपुहून मिलनारो आथो तो इसूंय सौताहा वे ली लेदो. (58)

मोता मेने जीवी उठनू: इसू मोता मेने जीवी उठचो. एक दिही बादेंज मोता मेने जीवी उठी. ताहां पोरमेहेर बादाहां न्याय केरी. (53-57)

विश्वास: पोरमेहेरांय जो वायदो केअयोहो तियाल तो पुरो केरी एहेंकी भरुचो केअनू. (58)

होरग्यो दूत: पोरमेहेरा नांय देखानारो निरप्यो. (5)





इसू ख्रिस्त केडो हाय?

इसू इस्राएल देशाम २००० वोराहां पेअला जीव्यो. तियाल आपु 'इसू ख्रिस्त' आखताहा. इय्या आर्थ तो राजो हाय. तेबी तो राजा सारको नांय रियो. इसू 'पोरमेहेरा पोयरो' आन आजी 'माअहां पोयरो' आखवांम आलो. इय्या आर्थ तो पोरमेहेर आथो आन माअहूं बी. इसू बदल आजी बायबलाम वेरां मिलेहे. इ बाद टेमा खातोर हाराम हारी गोठ हाय.

इसू टेम

आपु तारखी दिह्यां (जमाना) सुरवात इसू जोल्मा इहीं ने वेअहे. लोक चालीज, फुरक्याहां वे, उटडाहां वे, आन कोडाहां वे प्रवास केअतला. युरोपा खुबूज जागाहांम, मध्य पुर्व भाग, उत्तर आफ्रीका वेल ने भाग इया बाद भागाहांम रोमी सारकारा राज चालतलों. आन जाहाका की लोकाहांन वाचता लेखतां नांय आडवुतलों, पेन इस्राएल देशांम यहूदी लोकाहांन आडवुतलों. तियाहांन 'पुस्तका लोक एहेंकी आखतलें'.





इसू टेमा मेने इस्राएल देश

राजधानी: यरुशलेम.

प्रांत: गालील, शोमरोन, यहूदा.

क्षेत्रफळ: लगभग २८,००० चौ.कि.मी

वातावरण: गरम आन पांयांवालो (उपोष्णकटिबंधीय).


राजनीति: ६३ बी. सी. (ख्रिस्ता पेअला)

मेने इस्राएल देशाम रोमी लोक राज केअतला.


सारकार: रोमी राज्यपाल पोन्तियुस पिलात,
ओ इस्राएल देशाम राज केअतलो. आन रोमी
सारकार तिबेरियुस तिया वे राज केअतलो.

धर्म: यहूदी धर्म. यहूदी लोकाहां
यरुशलेमाम मंदिर हाय. तिहीं
मंदिरा मेने बादों काम याजक
केअताहा आन लोकाहांन पवित्र
शास्त्रा मेने हिकवां खातोर
हिकवुनारा (परुशी) बी हाय.

भाषा: इब्री (यहूदी लोकहां भाषा),
ग्रिक (बादा देशांम गोगनू भाषा),
लेटिन (रोमी लोकाहां भाषा).



ए बादा लोक खाडी तेडी वे काहा टोलवाताहा?



पोरमेहेरा राज्यों आवी रियोहों!
तुमा सौताहाल तियार केरा!




नवों जीवन जीवां
सुरु केरा!



तुमा पोरमेहेरा इहीं ने नाहांय
नाहां सेकता. तिय्या न्याया
कुवाडों चाडवाहां थुंबा वे
थोवलों हाय...



जों चाडवों हारों फल नाहां देतों
तियाल रेंडीन आगीम टाकी दी.




इय्या उनाया. काय आपु हारों
जीवन नाहां जीवता का?

पोरमेहेरा न्याया की केडोंज नांय सुटे.
पेन मां फाचाडी एक जांअ आवेहे,
तो तुमा जीवन पुरों बदली सेकेहे.



काय तुमा जीवन बदलाय एहेंकी
तुमा खेरोंज इच्छा हाय का?
आवा इया पांयांम बासिस्मों ला.




आमी तुं नवा जीवना सुरवात
केरां खातोर तोअ पापाहां मेने
चोखो वेअलो हाय!

खाडी तेडी वे प्रचार के अनाराल बाद
लोक बाप्तिस्मों देनारो योहान आखताहा...

ई मां बद्दल नाहां. आंय
तुमाहांन बिहिरा केडा तेबी
खातोर तियार की रियोहो.
तो आपुहून पोरमेहेरा इच्छा
काय हाय ती देखावी.
आन तो तुमाहांन पोरमेहेरा
आत्मा की आन पोरमेहेरा
आगी की बाप्तिस्मों दी.
आन तिया की तुमा जीवन
पुरों बदलाय जाय.



आन फाचें...



मां... मां बाप्तिस्मों
तोअ आथा की
वेरां जोजतलों!



मान तुं बाप्तिस्मों दे,
पोरमेहेर जों आपुहूं की
केरां मागेहे तों किहूं.




ओ बाहाका, तोअ
राज्यों आवे आन
तोअ इच्छा पुरी
वेअ!



एकदमूज, जूगा मेने एहेंकी आवाज आलो...

हां!
तुं मां मेरालो
पोयरो हाय! तुं
मां मोना होच
जीवनारों माअहूं
हाय!



बाप्तिस्मों देनारो योहान इस्राएल देशा लोकाहांन ख्रिस्ता आवनू खातोर तियार केअहे. इया टेमाम, दुन्याम रोमी सारकारा राज्यों खुब मोडों आथों. इस्राएल देश इं रोमी साम्राज्याम एक वाय हानो भाग आथो...



यहूदी लोक ख्रिस्ता खुब वाट जोवतला. तिय्या आवनू भविष्यवाणी यहूदी लोकाहां जुना पुस्तकाहांम लेखली हाय. तो इस्राएल देशा नांव मोडों केरी...

पेन बाप्तिस्मों देनारो योहान यार्डेन खाडी तेडी वे इसू अर्पणा मेडो हाय एहेकी आखी देखावेहे...

वेरा, ओ दुन्या पाप सौताहा वे ली लेनारो पोरमेहेरा मेडो हाय!



पोरमेहेरा आत्मो इसूल डोगाम ली जाहाय...



इसू तिहीं हुना जागाम एखलोज चालीस दिही आन चालीस रात्या रेहे. तिहीं तियांय कावीज खादों नाहां. तो प्रार्थना केअहे. तो सौताहाल तिय्या कामा खातोर तियार केअहे...



इसूल पोरमेहेरा योजना पुरी केअनू हाय. आन पोरमेहेरा योजना लोकाहांन न्याया डोंडा आन मोता धाकी मेने सोडवुनू इ हाय...



हां बाहाका! तोअ इच्छा आंय पुरी केअहे!

काल्योपूत जो आंदारा आधिकारी हाय, तो इसूल पारखेहे. ओ पोरमेहेरा आन माअहां दुश्मन हाय जो दुन्याम एका बिहिरा विरुद केरावेहे, आन बीमारी आन मोता की राज केअहे...




पेन काल्योपूत, इसूल पोरमेहेरा योजना इहीं
ने पुलवीन दुर ली जां खातोर तिय्या मोनाम
विचार टाकेहे...

जर तुं पोरमेहेरा पोयरो हायता
इया डोगडाहांन मांडा बनाव!


नांय! पवित्र शास्त्राम
एहेंकी लेखलों हाय:
“माअहूं मांडा किज नांय
जीवे. पेन तों पोरमेहेरा
वचना की जीवेहे.”





गालील प्रांता डोगाहां भागा मेने काना गावांम वोराड रहे...



इसू बी तिया वोराडाम तिय्या याहाकी आन हेंगात्याहां आरी तिहीं रहे...







कफर्णहूम सेहेर गालीला फुगारा पाहाय आथों. तिहीं मासें माअनारा लोक रेतला, आन तिया सेहेरा खुब विकास वेअलो आथो. इंहीं इसू, पोरमेहेरा योजना बदल आखां लाग्यो...




आन इहीं तो तिय्या पेअलो चेलो निवडेहे...




पेतरस, आपु उंडा पांयांम उडी ली जाता तिहीं तुं जाल टाकजे.



गुरुजी, आमाहांय आखी रात खुब मेहेनत केअयीही तेबी एक बी मासों नाहां तेरायों.




पेन तुं आखतोहो ता...



इं काय! मान विश्वासूज नाहां वेअतो!



याकोब! योहान!
एहें आवा!
पेअली दा ओतें
मासें मिल्येहें!



प्रभु, मां हीं ने जातो रे!
आंय पापी हाय.

पेतरस, बियोहो माअ!




आमी ने, तुं माअहें तेअहो.



मां फाचाडी
आव!

इसू तिय्या चेलाहां आरी इस्राएल देशा उत्तर भागाम लागून प्रवास केअहे. तो बाद लोकाहां पोरमेहेरा राज्यो आवी रियोंहो एहेकी आखेहे. तिय्या बाद शब्दा सामर्था की आन कृपा की पोराला आथा. तियांय बादी जाती दुखे हारे केअये आन पूतडे लागला माअहां मेने पूतडे बी काडये. आन खुब लोक तिय्या फाचाडी जां लाग्या. ते बिहिरा प्रांताहां मेने आन इस्राएल देशा राजधानी, यरुशलेम सेहेरा मेने बी आवताहा.



आशिर्वादित हाय तुमा जियाहांन पोरमेहेरा गरज हाय. काहाका तुमा तिय्या नवी दुन्यांम जीवाहा.


आशिर्वादित हाय तुमा जे पोरमेहेरा हारी गोठीहीं इच्छा केअतेहे. काहाका तुमाहांन खुब मिली.




आशिर्वादित हाय तुमा जे दुःखी हाय काहाका तुमाहांन शांती मिली.



आशिर्वादित हाय तुमा जाहां तुमा बिहिराहां खातोर हारो केअतेहे. पोरमेहेर तुमा खातोर हारो केरी. आन जाहां तुमा शांती बनावी राखतेहे, ताहां तुमाहांन पोरमेहेरा पोयरे एहेकी आस्वी.




आपु आरी लोक हारा वागां जोजे एहेकी आपु आशा राखताहा, तेहेकीज आपुहूय बी बादहां आरी हाराज वागां जोजे.




तुमा दुश्नाहां वे मोया केरा आन तियाहां खातोर प्रार्थना केरा.



दोबीन हारें कामें केअजे, देखावां खातोर नांय.




जो केडो एगदी बायील खोटी नजरी की वेअहे, तियांय तिय्या मोनाम तिय्यो आरी सिनालोज केअयोहों.



डोअ शरिरा उजवाडो हाय. जर तोअ डोअ साप हायता, तोअ बादों शरिर बी उजवाडो हाय. पेन जर तोअ डोअ खाराब हायता, तुं आंदाराम जीवतोहो.




केडों बी बेन मालिकाहां सेवा चाकरी नाहां की सेकतों, तों पोरमेहेरा सेवा केरी नेता मिलकती.









हाकाल्या दिहा खातोर चिंता माअ क्याहा, पेअला पोरमेहेरा राज्या वे मोन लागवा ताहां तुमा गरज पुरी वेरी.



आंय आखुहूं तेहेकी केरा. ताहां तुमा तिय्या होच हाय जो खडका वे पोंगों बांदेहे. आन जर तुमा नांय मानता वेरीता, तुमा तिय्या होच हाय जो रेटा वे पोंगों बांदेहे.







नोवाय लागेहे!


लेंगडो चालेहे!

हां! आंय हारो वी
गियो! इसू तोअ
आभार!

इसू खुब हारें कामें केअहे. तो बुद्धी की आन आधिकारा की हिकवेहे. तो मोया आन दोयाज प्रचार केअहे. पेन तिय्या आरी बादा लोक खुश नांय आथा. पुढारी नियम तेहेंकीज राखां मागतला. इसू शब्बाथ दिहा नियम पालेहे का नाहां इं वेरां खातोर ते खुब ध्यान देतला. शब्बाथ दिहा दिही इस्राएल देशाम कावींज काम नांय केअनू एहेंकी नियम आथो...



इया माअहां आथाल लाखवो
वेअलो हाय. इया दिहा
दिही इयाल हारों केअनू
ठिक हाय का, नाहां?



तोअ आथ लांबो केअ!






आंय हारो वी गियो!




आपुहूंन इय्या
चुक सापडी
गियीही!

यरुशलेमाम
पुढाज्याहांन
आखांज पोडी
का ओ देशाल
भटकावी रियोहो!


पुढाऱ्याहांय इसू वरुद केअनु इ समस्या वादतीज जाहाय.
तय्या चेलाहां आरी गालीला फुगाराम जाहाय. पेन...





गुरुजी! वाचाव!
आपु बुडी चाल्या!



तुमा काहा बिताहा? तुमा
विश्वास काहांय हाय?




बोंद वेअ!
शांत वी जो!



तियाहांय तेडी वे उडी बांदी. पेन
डोगाहां मेने आवाज आवतलो...

हों... हों!





पूतडें लागलों एक माअहूं
इया डोगाहांम रेहे...



तो आवेहे!

तियाल! हों... हों!



हां...हां, इसू!



ओ तारास देनारा पूतडाहां,
इया माअहांल सोडी दा!

बादी
सोकतीवाला
पोरमेहेरा
पोयरा, आमा
तोअ आरी
काय काम?







तुमा नांव
काय हाय?


सैन्या, काहाका
आमा खुब हाय.




आमाहांन इया
डुकराहांम
जां दे.

जा!






तुमाहांन मालूम रां जोजे
का आंय मां इच्छा नांय,
पेन मां बाहाका इच्छा की
काम किहू. तियांयज मान
मोकल्योहो.




इसू प्रार्थना केरां रोज
शांत जागाहांव जाहाय...




एक आरखी रात प्रार्थना कीन
बिहिरे दिही इसू तिय्या बारा
चेलाहांन निवडेहे. तो तियाहांन
बेन बेन जांअहां जोड कीन
मोकलेहे. तो तियाहांन दुष्ट
आत्माहां वे आन दुखाहां वे
आधिकार देहे...



पेतरस आन आंदरियास
ए बेनी पावुहू...




याकोब आन योहान
बेनी पावुहू...



फिलीप्प आन नथनेल...


थोमस आन मत्तय (जो रोमी
आधिकाज्याहां खातोर करपट्टी
उकलावतलो)...




तद्दय आन बिहिरो याकोब...



शिमोन जियाल जिलोत बी
आखतलें आन यहूदा इस्कार्योत.




जा! जों केडों तुमाहांन मानी लेहे,
तों मान मानी लेहे, आन जों मान मानी
लेहे, तों मान जियांय मोकल्योहो
तियाल मानी लेहे.



बारा चेला तियाहांन देदलों
कामा कीन खुश वीन बोली
आला. तियाहांन इसूंय
जों आखलों तों केअयों.
फाचें इसू तिय्या चेलाहां
आरी एगदा शांत जागाव
जां विचार केअतलो. पेन
टोलवाला लोकाहांय तियाल
नांय जां देदो...

वेअ! पीक खुब हाय पेन मजुर थोडा
हाय. पीका मालिकाल रांव्यां केरा
का तो पीक वाडां मजुर मोकले.




इसू वचन आखनू आन दुख्याहांन हारें केअनू इं काम की रियोहो, आन टेम बी खुब वी गियोहो...

फिलीप्प, इया ओता बादा लोकाहांन किहीं ने मांडो मिली? तुमा इयाहांन कावीहीं खां दा?



आठ मोयनाहां पागारी पोयसा बी कमी पोडी!

इहीं एक पोयरों हाय तिया वे पाच मांडा आन बेन मासें हाय. बिहिरों कायज नाहां.




पन्नास पन्नास लोकाहां गट कीन बाहावा.




इसू पोरमेहेरा आभार मानेहे...



तो मासें आन मांडो मुडेहे...



इसूय जो मांडो आन
मासें चमत्कार कीन
वादव्यो तो हाजारा
लोकाहांय खादो...



ओ खेरोंज ख्रिस्त हाय जिय्या आवनू
वायदो आपुहून देदलो आथो!

आपुहूय इयाल राजो
बानावां जोजे!



वेरा! बारा सिबलें
मांडो वादी
गियोहो!



आमी लोकाहांन तियाहां कोअ मोकलुनू टेम वी
गियोहो. तुमा उडी काडा आन फुगारा तियो तेडी वे
जा. आंय इहीं डोगाहांम प्रार्थना केरां ओटकेहें.





तियो राती...



ओ... हो!
इंता पूतडों हाय!

बियाहा माअ.
आंय हाय!



प्रभु तुं हायता मान
बी तोअ हीं पांयां वे
आवा आखी दे!

आव!



प्रभु, मान
वाचाव!




पेतरस, मोनाम
शंका काहा
केअयी?

इसूल राजो बनावनू थोडाक लोकाहां इच्छा आथी. ते आशा केअतला का ओ रोमी आधिकाज्याहांन बी देशा मेने काडी दी. पेन इसू विरुद केअनारा बी वादता जाहाला. तो लोकाहांन मदत केअतलो तेबी यहूदी धर्मा पुढारी एहेकी होमजुतला का ओ नियम शास्त्रा विरुद काम केअहे. आन लोक इसू विरुद वीन दुर वी जां जोजे इ तियाहां इच्छा आथी...




गुरुजी, तुं इहीं केहेंडीवेल आलो?

काय तुमाहांन मायूंय मांडो खावाडलो तियाल मान होदताहा का?



नाश वेअनारा मांडा चिंता माअ क्याहा, पेन तिया मांडा चिंता केरा जो नाश नाहां वेअतो आन कायम रेनारों जीवने देहे.



कायमूंज रे एहेडों जीवने देनारो मांडो आंय हाय. इं मां शरिर हाय, जों दुन्या जीवना खातोर देदलों हाय.



इं माअहूं केहेकी तिया शरिर आपुहूंन खां दी सेकनारों?

ठोगेहे रा!









चाला आपु जाता!

ओ इया बादाहांन ठोगेहे.




काय तुमा बी एहेकीज वोली जां का?


प्रभु, आमा केडा इहीं जाजी? सादा रेनारा जीवना वचन तोअ वेज हाय!



वाटी एकीवेल, गुनेगाराहांन कुसा वे आथा पागाहांन खीला ठोकीन, तारास केरावीन माअतलें. ओ रोमी सारकारा ठेरवुलो मोता डोंड आथो.




जों बी मां फाचाडी आवा मागेहे तियाल तिय्या सौताहा गोठचा सोडीन, तिय्या कुस उखलीन मां फाचाडी आवां पोडी.




जों केडों सौताहा जीव वाचावा कोशिश केरी तों तिय्या जीव गोमावी दी. पेन जों केडों मां खातोर तिय्या जीव गोमावी, तों तिय्या जीव वाचावी ली.



पोरमेहेर एकुज हाय, इं तुमाहांन मालूम रां जोजे.



महत्वा गोठ इ हाय का, तुं तोअ पोरमेहेरा वे पुरा मोना की मोया केअ. जेहेंकी सौताहा वे मोया केअतोहो तेहेंकी तोअ पाही रेनाराहां वे बी मोया केअ.





तिया टेमाम इस्राएल देशाम कोडलाहां खातोर अलग गांवें आथें. कोड इ बीमारी एक खुब भयंकर बीमारी आथी. आन जियाल इ बीमारी वेअली रे तियाल हारा लोकाहां आरी कायज सबंद नांय राखां देतलें.




कोडले माअहीं काहीं बी जायता तें पेअलाज बोंबलीन आमा आवताहा एहेंकी लोकाहां आखी देतलें...

कोडलें!
कोडलें!



इसू! गुरुजी!
आमाहांव दोया केअ.






जा, तुमा सौताहाल
याजकाल देखावा!



याजका इहीं जा?
पारखां खातोर?

एहेंकी वेरीता आपु केहेडी
वेल हारा वीहूं?



?

!



वेअ! आंय हारो
वी गियो!



आपु हारा वी गिया!

आवा!



पोरमेहेरा स्तुती वेअ!
तो हारो हाय!
तुल आभार!



तुमा बादा दाहा जांअ हारा वेअया ने
बाकी काहांय हाय? काय ते पोरमेहेरा
आभार माना नाहां आला का?



उठ! तोअ विश्वासांय तुल हारो
केअयो ओतोहोंज नांय, पेन तुल
वाचावी वी लेदोहो.

इसू काय काय हिकवेहे
तों उनाया खातोर
यरुशलेमा मेने यहूदी
धर्मा पुढाज्याहांय तियाहां
दासाहांन मोकल्या. तो
हारों हिकवुतलो तों
उनया नांय, पेन ते तिया
वे आरोप लागवां खातोर
चुक होदतला.

इसू समाजा मेने खाराब काम केअनारा मनजे
सिनालों केअनारा आन रोमी सारकारा खातोर
करपट्टी उकलावनारा हाय तियाहां आरी रहे...

ख्रिस्त टाकालाहांन होदां
आन तियाहांन वाचावां
खातोर आलोहो.




इसू शब्बाथा दिही दुख्याहांन हारें
केअहे पेन खेरों वेअता इया दिहा
दिही केडालूज काम केअनू परवांगी
नांय आथी...

हारो वी जो!



आन तिय्या खास ध्यान
पोयराहां वे हाय...

पोयराहांन मां इहीं आवां दा.
पोरमेहेरा राज्यें जे इयाहां
होच हाय तियाहांज हाय.



इसूल बेथानी गावांम हाद्यो, इं गांव यरुशलेम सेहेरा इहीं ने जाहाकों दुर नांय आथो. लाजर बीमार आथो. लाजर आन तिय्या बेन बोयांहां मारथा आन मरीया, इं इसू खुब हारें हेंगात्यें आथें. आन इसू बेथानी गांवाम पोच्यो ताहां तियाल मालूम पोड्यो का लाजरा कुडील ओजबुज कीन चार दिही वी गया...



प्रभु, तुं इंहीं रेतोता मां पावुहू नांय मोअतो!



मारथा, तोअ पावुहू आजी जीवी उठी.



हां मान मालूम हाय. तो सेवटचा दिह्या दिही फाचें जीवी उठी.



आंय मोअला मेने जीवतो केअनारो आन सादा रेनारों जीवन देनारो हाय. जो केडों मां वे विश्वास केरी तों जीवी. काय तुं इयो गोठी वे विश्वास केअतीही का मारथा?







हां प्रभु! पोरमेहेरांय वायदो केअलो तो तारणारो जो दुन्याम आवनारो आथो तो पोरमेहेरा पोयरो तुंज हाय, इं आंय विश्वास किहूं.




तुमांय तियाल किहीं कबरिम थोव्यो हो?

वेरां आव, प्रभु!





इसू आन तिय्या फाचाडी चालनाराहां बदल
यरुशलेमा पुढारी खुब चिंताम हाय...



तों माअहूं खुब
चमत्कारें केअहे.

जर आपु इं एहेंकीज
चाला दिहूंता रोमी
सारकार आपुहूं वे
कारवाय केरी!


ते आपु मंदिरा आन
आपु देशा नाश की दी.



थोडोक विचार केरा! एक
माअहूं देशा खातोर मोअनू
इं बादा लोकाहां नाश वेअनू
से हारों हाय.




इय्या खातोर
इसूल मारां
पोडी!




एका माअहाल बादाहां
खातोर मोरां पोडी! इय्या
खातोर यहूदी धर्मा पुढारी
इसूल तेरां संदी होदतला.
तो यरुशलेमाम जाहालो. ती
संदी आथी. रोमी सारकार
इयाल मोता डोंड दां जोजे
एहेंकी तियाहां इच्छा आथी.


ताहां, बेथानी गावांम एक सण रेहे...




इं कोतों मोडों
नुकसान केअयों!
इं वासवालों तेल
खुब मोगों हाय.



मरीया!




आपु इं वेचीन
ए पोयसा
गरिबाहांन दी
सेकतला!




यहूदा, इयोल इं केरां दे. इ मां
कुडील ओजबुज केरां खातोर
तियार केअहे.

वल्हांडण सण माहारुज चालु वेरी. खुब लोकाहां गोरदी
यरुशलेम सेहेराम जाहाय. तें मंदिराम अर्पणे ली आवी...



इसू धमकिहीं नांय बितां,
यरुशलेम सेहेराम जाहाय...



लोक खुशी की तिय्या
स्वागत केअताहा...




जय जय!


जय जय!

तुं जो पोरमेहेरा नांवा
की आवतोहो खुब
जीवोहो!

इसाएला राजो!



यरुशलेम, तुल शांती
केहेंकी मिलवुनू तों
होमजी लेवनू आथों.
पेन तुल तेहेंकी नांय
पोटचों.




बादी दुन्या इसू
फाचाडी जाहाय.

ओ इं बोंद केरां जोजे!



यरुशलेम सेहेरा मंदिर इं यहूदी
धर्मा मेन जागो हाय...




वल्लहांडण सणा वे मेडे
माअतले...





तें मेडे तियाहां पापाहां माफी
मागां खातोर मंदिराम अर्पण
चोडवुतलें.






पेन केल्लों अर्पणा मेडों लोकाहांन
तियाहां पापाहां मेने सोडवी
सेकी, नाज आन न्याया बिख?




लोक मंदिरा चौठाम दुकाने टाकीन व्येपार
केअताहा आन पोयसा बदलुताहा...



इसू बी तिहीं हाय...




पोरमेहेरा पोगों प्रार्थना
पोगों हाय, पेन तुमाहांय
इयाल बांडाहां रेवनू पोगों
बनाव्योहो.



इं माअहूं खतरनाक
हाय, लोक इय्या
हेरेक गोठ मानताहा.

आपुहूंन इयाल पारवावां
खातोेर हारो टेम वेरां पोडी!




आपुहून तियाल ठोगावीन तेरां पोडी. ताहांज आपु तियाल माय सेकनारा.

पेन सणा टेमा वे नांय. वल्हांडण सणा वे दोंगो नांय वेरां जोजे.



तिय्या बदले तुमा मान कोता रुप्या दाहा?

ओ यहूदा हाय, तिय्या चेलाहां मेने एक.




आंय इसूल तीइ देहें.



आमा तुल तिय्या बदले तीस चांदी रोखडा रुप्या दिहूं; एका गुलामा किमत.



इसू वल्हांडण सणा पेअला
मंदिराम लोकाहांन हिकवेहे.
तो यरुशलेमा नाशा बदल
भविष्यवाणी केअहे.
बादाहांन जेहें-तेहें नाहां
पोडी. पेन तो लोकाहां वे
मोया केअतोज री. फाचें तो
पेतरसाल आन योहानाल
वल्हांडण सणा मांडो तियार
केरां आखेहे...




वाअतीवेल, इसू आन तिय्या बारा चेला वल्हांडण
सणा मांडो खां खातोर सेहेराम टोलवाया...




आंय आज राती
तों काम केअहें!







आंय दुःख वेठेहें तिय्या पेअला ओ
वल्हांडण सणा मांडो तुमा आरी
खावनू इ मायूं ठरवूलो आथों.




आधिकारी लोक बिहिराहांन
तियाहां सेवा केरावताहा, पेन तुमा
एहेंकी माअ क्याहा.







बादाहां सेवा केअनारो तुमा
पुहारी वेरी.



आंय तुमाहांम एक सेवा
केअनारा नौकरा होच हाय.








मान इतवां खातोर एहेंकीज
केअता रेजा.




ओ मांडो खा,
ओ मां शरिर हाय.



ओ दाराक्षा रस पिया, इं मां रोगत
हाय जों तुमा पापाहां माफी दां
खातोर वोयावलों हाय.
इयो रिती की पोरमेहेर तुमा आरी
नवो करार बनावेहे.



आंय तुमाहांन एक नवो हुकूम
दिहूं, जेहेंकी मायूंय तुमाहां वे
मोया केअयी तेहेंकी तुमा बी
एक बिहिरा वे मोया केअजा.



जर तुमाहांम मां मोया रीता, बाद
लोकाहांन मालूम पोडी का तुमा
मां चेला हाय.



प्रभु, तुं जिहीं जाहो तिहीं आंय
तो आरी आवेहें. आंय तोअ
खातोर मोरां बी तियार हाय.



पेतरस, तुं मान चूनख्यो
कुकडो वाहनू पेअलां तीन
दाव नाकारी दिहो.

फाचें तियो राती, इसू आन तिय्या चेला सेहेरा बारे
गिया. पेन यहूदा तियाहां आरी नांय आथो...

आंय तुमाहांन सोडीन जातो रेहें, पेन पोरमेहेर
बाहाको तुमा खातोर पवित्र आत्मों मोकली. तों
तुमाहांन मदत केरी आन कायमूंज तुमा आरी री.




आंय जाहूं ती वाट
तुमाहांन मालूम हाय.

मार्ग, सत्य आन जीवन आंयज हाय.
केडाल बी मां हीं आव्या वाची
पोरमेहेर बाहाका हीं नांय जावाय.


तुमा इहींज रा. आंय प्रार्थना
केरां वायज दुर जाहूं.

ओ मां बाहाका, वी सेकीता
इं दुःख मां इहीं ने दुर की दे.

तेबी मां मोरजी नांय पेन तोअ
मोरजी पुरी वे.



इसूल मोडा याजका इहीं ली गिये, तो यहूदी पुढाज्याहां मेने मोडो पुढारी आथो. पेत्रस आन योहान दुरुज रीन फाचाडी फाचाडी जाताहा...



पेत्रस चौठाम लूग गियो.




तुं बी इय्या आरी आथो ने?



काय नाहां! इयाल आंय ओअखुतो बी नाहां.

तुं बी तियाहां मेनेज एक हाय ने?




खेरोंज नाहां!

मान खेरोंज मालूम हाय! तुं बी तिहीं आथो! तुं गालीला रेनारो हाय!



तुमा काय आखताहा तों मान होमजातों नाहां.



काय तुं पोरमेहेरा पोयरो हाय?

तुमा तेहेंकीज आखताहा.



ते इसूल रोमी सारकारा राज्यपाल पिलाता इहीं ली आला.
तो वे अनारा बादा यहूदी पुढारी खिजवायन टोलवाया.
आन तियाहांय बोंबलीन इसू वे खुब आरोप लागव्यो...



इया आरोपा बदल तोअ काय
आखनु हाय? कायज नांय का?



तुंयूय काय
केअयोहों?



आंय सत्या
बदल साक्षी
दां आलोहो.









सत्य काय हाय?

मान इय्या कायज गुनो
सापडचो नाहां. ए वल्हांडण
सणा दिही हाय. आंय केडाल
सोडी दिंव: बरब्बाल सोडूं, का
यहूदी लोकाहां राजाल?









क्रुसा वे उचे पाटी लागवी तियो
पाटी वे तीन भाषाहांम एहेकी
लेखलों आथों, 'इसू, ओ यहूदी
जाती लोकाहां राजो हाय'...



इसू दुःख कमी केअनू दावो
पियां नाकार केअहे...



सिपाडें तिय्या पोतडाहां
खातोर चिठ्या टाकतेहें...



हां, काय इयांय
बिहिराहांन नाहां
वाचाव्यें का?

जर तुं पोरमेहेरा पोयरो
वेरीता क्रुसा वेने निचे
उती आव!



तुं सौताहाल
आन आमाहांन
बी वाचाव!

पोरमेहेराल मानपान दे.
आपुहून जो डोंड मिलनू आथो
तो मिल्योहो, पेन इया माअहांय
कायज गुनो नाहां केअयों.



जाहां तुं तोअ राज्याम
आवोहो ताहां मान बी
इतवुजे!

आंय तुल खेरोंज आखुहूं,
आजुज तुं मां आरी सुख
लोकाहांम रिहो.




बोपरीवेल बादेज आंदारों वी
गेहेलों. तों आंदारों तीन तास
लूग रेहे...



इसू याहाकी मरिया आन तिय्या चेलो
योहान, तियाल वी रेहेलें...

तुं आमी इय्या
याहाकी, आन ओ
तोअ पोयरो हाय.



ओ मां पोरमेहेर,
ओ मां पोरमेहेर,
तुयूंय मान काहा सोडी देदो?


मान... फांपी
लागीही!



बाहाका, मां आत्मों तो
आथाम होपुहूं.



बादों...
पुरों वी गियों.



इसू तीन वाजे टेमा वे मोय गियो. आन सिपाडाहां मेने एकांय इसू खुकीम डाफों टुच्यों, ताहां तिय्या खुकी मेने रोगत आन पांय निंग्यों. तिय्या हृदय तोडच्यों...



शास्त्राम एहेंकी लेखलों हाय: “तियाल मेडा होच मारां ली गियें.”




“आमा खोटा कामाहां खातोर तियांल खुब तारास देदो, आन आमा पापाहां खातोर माय टाक्यो.”



काय ओ ख्रिस्त आथो का जो आवनारो आथो तो, का नांय?



चाल, इय्या कुडील ओजबुज केरां देतेहे का नाहां आपु मागां जाता.



आरिमथाई गावां मेने योसेफ आन निकदेमस इसू शरिराल क्रुसा वेने उतावताहा. तियाहांय तियो कुडील सुती पोतडा की वेटालीन तियाहां डोगडा कबरिम थोवताहा...



शब्बाथ दिही, जो वल्हाडण
सणा एक भाग आथो, तो
पारवायो ताहां थोड्याक बाया
कबरी इहीं जात्याहा...



डोगडो
होरकावलो हाय!



तुमा जीवताल मोअलाहांम काहा
होदत्याहा? तो जीवी उठचोहो.
जा, आन तिय्या चेलाहांन आखा!



पेतरस आन योहान इ गोठ उनाया
ताहां दौडीज कबरी हीं गया...







काय वेअयों?




इंता रिकामोंज हाय.





तोदिही, इसू बेन चेला तिय्या मोता की दुःखी आथा, ते प्रवास के अनारा एका माअहां आरी इसू मोता बदल गोठ्या केअता जाहाला...

काय तुमा भविष्यवक्ताहां गोठीहीं वे विश्वास नाहां केअता का? काय ख्रिस्त तिय्या गौरवाम जां खातोर दुःख नांय वेठे का? इं बादों शास्त्राम लेखलों हाय. तिहींम बादों तियाज बदल हाय.



मांडो खातला ताहां तों माअहुं एकदमूंज गायप वी गियों...

पेन तों माअहुं इसूज आथो!



तुरुतुज, ते तिहीं ने तियाहां हेंगात्याहांन होदां यरुशलेमाम जाताहा.


आमाहांय प्रभुल देख्योहो!

मरीयांय आन पेत्रसांय वी!



एकदमूंज...

तुमाहांन शांती मिले!






ओ आंयज हाय, काय तुमाहांन विश्वास नाहां का? मां आथ आन पाग वेरा!







मां प्रभु, मां देवा!



इसू तिय्या चेलाहांन चालीस दिही लुग मिलतो रेहे. आन तो एकदाव पाच होवा से बी जाहाका लोकाहांन देखाहाय. तिय्या चेला गालीलाम बोली जाताहा. एक दिही ते फाचें मासें माअताहा ताहां...





इसू फाचाडी चालनारें प्रार्थना केरां ओटकुतेहें. पन्नास दिही पुरा वेअया ताहां, पेन्टेकोस्टा दिही, पवित्र आत्मों तियाहां वे आवेहे. जों आत्मों इसूम आथो तों आत्मो आमी तियाहांम आन जें इसू वे विश्वास केअतेहें तियाहां आरी बी रेहे. तिय्या फाचाडी चालनारें तिय्या साक्षी हाय. खुब आन खुब लोक इसू बदल उनाताहा...

लोकाहां उनाया! मोत इसूल तिय्या ताबाम नाहां राखी सेक्यो. पोरमेहेरांय तियाल फाचें जीवतो केअयो आन तियाल प्रभु बनाव्यो. पोरमेहेरा गौरवाम पेअलाम पेअलो उठावाय जानारो इसू हाय. आन तो गौरव आपु खातोर बी हाय!



इसू चेलाहां वे खुब सताव वेअयो तेबी ते दुन्याम अलग अलग जागाहां वे जाताहा...

इसू पोरमेहेरा पोयरो हाय! एहेकीज आपु बी पोरमेहेरा पोयरे बनी सेकतेहे!



इ गोठ पत्राहांम लेखीन बी प्रचार केअयी...

इयो हारी गोठी खातोर आंय नाजवातो नाहां. इ पोरमेहेरा सोकती हाय जी लोकाहांन बाचावेहे. आन इं शास्त्राम पेअलानेज लेखलों हाय: "जर तुमाहांय विश्वास केअयोता, तुमा पोरमेहेरा नजरीम हारें हाय. ताहां तुमा जीवाहा!"



आमी बादी दुन्याम खुब लोक प्रार्थना केरां आन बायबल वाचां एकठा वेअताहा. ते पोरमेहेरा कृपाम जीवताहा. तियाहांय पोरमेहेरा दोया अनुभव केअयोहो. तें एका बिहिरा वे मोया केअतेहें, आन जियाहांन गरज हाय तियाहांन मदत केअतेहें. तें तियाहां शत्रुहूं वे बी मोया केअतेहें. तियाहां पापाहां माफी वेअयीही आन नवों आन सामर्थी जीवन मिलव्योहों, इं इत केरां खातोर एका मांडा मेने आन दाराक्षाहां रोहा मेने भाग लेतेहें.

इसूय माअहांन मिलीन
आन शांती की रेवनू
सोप्पों की देदोहों...



तिय्या मोया खातोर आभार
माना! आन ती मोया तिया वेने
ला आन तिय्या भक्ती केरा!



पोरमेहेरांय तिय्या पोयराल दुन्या
आपु न्याय केरां नाहां, पेन आपुहून
बाचवा खातोर मोकल्योहो.
काहाका पोरमेहेर आपुहूं वे खुब
मोया केअहे, इय्या खातोर तियांय
तिय्या एक ने एक पोयरो देदो.
आन जों केडों तिया वे विश्वास केरी
तिय्या नाश नांय वे, पेन सादा रेनारों
जीवन मिली!

बायबल

इसू गोठ बायबलाम लेखली हाय. बायबलाल वाच्योहो ओतो केल्लोज पुस्तक नाहां वाचायो, आजी तो वाच तेहेंज. खुब पुस्तक जोडीन ओ एकुज पुस्तक बनावलो हाय. इया बादा पुस्तकाहांन लेखां खातोर १५०० वोरेंहें लाग्यें. बायबल १९०० वोराहां पेअला पुरो वेअयो. इहींम पोरमेहेरांय लोकाहां जीवनाम जें बी कामें केअयें ते बाद्या गोठ्या लेखल्या हाय. इसू बदल जे गोठ्या हाय ते पोरमेहेर केडो हाय तों देखावत्याहा.

इसू गोठ्या


बायबलाम इसू जीवना बदल ४ पुस्तकाहांम लेखलों हाय. ते पुस्तक लेखनाराहां नांवाहांज हाय. आन ते बादा लेखनारा इसू टेमामूंज जीव्या.

१. **मत्तय** - ओ इसू चेलो आथो. तो करपट्टी उकलावनू काम केअतलो. तो खास कीन इं लेखेहे का इसू इस्त्राएल देशा लोकाहां (यहूदी) आरी केहेंकी रियो.

२. **मारक** - इसूंय तिय्या काम चालु केअलों ताहां मारक हानो पोयरो आथो. आन इसूंय जें चमत्कारें केअलें तियाहां मेने थोडेक इयांय इय्या पुस्तकाम लेख्येहें.

३. **लुक** - लुक एक डाक्टर आथो. ओ सौताहा इसूल नांय ओअखुतलो. लुक इय्या पुस्तकाम इं लेखेहे का इसूंय लोकाहां आरी केहेंकी वेहेवार केअयो.

४. **योहान** - ओ बी इसू चेलाहां मेने एक आथो. इयांय इसू केडों हाय तों देखाव्यों. इसू पोरमेहेर हाय, जियांय लोकाहांन तियाहां पापाहां मेने सोडवा खातोर जोल्मों लेदों.



इसू जोल्मों

इसू जोल्मों वेअयों ताहां तिय्या याहाकी मरिया वोराडू नांय वेअलों आथों. इसू जोल्मो वेअयों तांवलूग ती कुंवारी आथी. तेबी पोरमेहेरांय इसू जोल्मा खातोर योजना बनावी. इया चमत्कारा बद्दल इसू टेमा से बी खुब आगलों पुस्तकाहांम (शास्त्राम) लेखलों आथों. इसू जोल्मों एक राजा होच नेता धनवान माअहां पोयरा होच नाहां वेअयों. पेन तिय्या जोल्मों डोगराहां ओखडांम वेअयों काहाका तिहीं रेवनू बिहिरो जागो नांय आथो.

इसू चमत्कारें

इसूय खुब चमत्कारें केअयें. बायबलाम दुख्याहांन हारें केअनू चमत्कारें ४० सा से जाहाकी वाज्या लेखलें हाय. इसू इया चमत्काराहां की पोरमेहेरा सोकती आन मोया देखावेहे. आन तो लोकाहांन मदत केरां मागेहे आन तियाहांन खुश केअहे इं बी देखावेहे.





इसू मोत आन मोता मेने जीवी उठनू

इसू काहा मोअयो? इं बायबलाम वेरां मिलेहे.

बादा माअहां की कोदिहीन कोदिहि चुक वेअहे. जे गोठचा पोरमेहेर नाहां केरां आखतो आन जियो गोठीहीं की तियाल रोग की आवेहे नेता नाराज वी जाहाय. ते गोठचाज पाप हाय. आन तो बादो पाप माअहांन पोरमेहेरा हेंगात्या बना खातोर ओटकावेहे.

इय्याज खातोर इसू आलो. तियांय सौताहा इच्छा की आपु पापाहां डोंड तिया वे लेदो. तो डोंड मोत आथों. इसू आपु खातोर मोअनू की, आपु आजी पोरमेहेरा हेंगात्या वी सेकताहा. पेन आपुहूंय जों खाराब आन खोटों केअयोहों तिय्या पासतावो केअनू गरज हाय.

इसू मोता मेने जीवी उठचो. पोरमेहेरांय तियाल मोता मेने जीवाव्यो. इया की पोरमेहेरांय देखाव्यों का तो मोता से बी खुब सोकतीवालो हाय.

इसू आमी पोरमेहेरा आरी हाय. तो जीवतो हाय, इय्या खातोर तो सादाज आपु हेंगात्यो बनी सेकेहे. आन पोरमेहेर खुश वेअ एहेंडों जीवन जीवां खातोर आपुहूंन मदत केअनू तिय्या इच्छा हाय.

प्रार्थना

जें तुमाहांय खाराब आन खोटें कामें केअयेहें तियाहां बदल जर तुमा पासतावो केअतेहें. आन जर तुमा पोरमेहेरा हेंगात्यें बननू इच्छा हायता, तुमा एहेंकी प्रार्थना की सेकतेहें:

“ओ, मोयाला पोरमेहेर, तुं मां वे मोया केअतोहो.

तुयूंय इसूल तोअ एक ने एक पोयराल दी देदो.

मायूंय जें खोटें आन खाराब कामें केअयेहें तियाहां खातोर तो कुसा वे मोअयो.

मायूंय जों खाराब आन खोटों केअयोहों तिय्या खातोर मां वे दोया कीन मान माफ केअ. मान माफ केअ.

आभर मानुहूं, इसू मां वेल हाय.

आंय कायम तोअ आरी रां मागुहूं.

तुं मान दोया कीन तोअ मोरजी की जीवन जीवां मदत केअ.

तुं कायम मां आरी रेजे.

मां प्रार्थना तुं उनायो इय्या बदल आभार.

तुयूंय जो वायदो केअयोहो तो पुरो केअ!”

इसू आन तुमा

इसू गोठ्या आमी बी चालूज हाय.
इसू खुब लोकाहां हेंगात्यो बन्यो,
ताहां बी आन आमी बी. दुन्या
बदलाय गयीही. आमी लोक
फुरक्याहां वे आन कोडाहां वे
नाहां फिरता पेन गाडीहींम आन
विमानीहींम फिरताहा. पेन इं बादों
इसूल अलग नाहां केअतो. इस्राएल
देशाम जेहेंकी तो लोकाहां आरी
रेतलो तेहेंकीज आज आपु आरी हाय.

तो नांय देखातो वेरी, पेन तो खेरोंज
हाय. तो आज तुमा हेंगात्यो बना
मागेहे. तुमा फक्त तिय्या उनाया आन
तिया वे मोया केरा.

काय तुमा तिय्या बदल आन तिय्या आरी
तुमा जीवना बदल आजी मालूम केरां हाय
का? ता तुमा एहेंकी केरा:

१. तुमा बायबल वाचां सुरु केरा: उदाहारना
तरिके लुका लेखाला पुस्तका इहीं ने सुरु
केरा.

२. प्रार्थना केरां सुरु केरा: परमेहेरा आरी
गोगनू आन तिय्या उनानू, मोडा-मोडा शब्दा
वापरनू गरज नाहां.

३. बिहिरा लोकाहांन बी इसू आन बायबला
गोठ्या आखजा. इसू इच्छा इ हाय का
तिय्या फाचाडी चालनारे एकठे वेअ आन
एका बिहिराल तिय्या बदल वाद मालूम केरां
खातोर मदत केअ.

Text and illustrations: Willem de Vink.

Copyright © 1993 Stichting Wereldtaal, Houten, The Netherlands.

Published in Dutch as “Jezus Messias”.

Edition in Kholchi-Vasavi © 2018

Digital copyright under the terms of the Creative Commons BY-SA licence.

All rights of translation, reproduction and adaptation reserved for all countries.

e-mail: jmpbk.app@gmail.com



इसू ख्रिस्त

इ इसू ख्रिस्ता खेरी गोठ हाय. तो इस्राएल देशाम २००० वोराहां पेअलां जीव्यो. जों केडों बी इसूल मिल्यो तियांय तिय्या बद्दल खुब नोवाय केअयी. तियांय जें कामें केअलें तेहेडें कोदिहीज केडांय नाहां केअयें. आन तियांय जे गोठचा आखल्या तेहेडचा कोदिहीज केडांय नाहां आख्या. इसू जेहें जातलो तेहें चमत्कारें वेअतलें. आन जें तिय्या गोठचा उनातलें तियाहांम तो आनंद आन खुशी लावतलो. पेन एकदमूंज इं पारवाय गियो. तिय्या विरुद केअनाराहांय तियाल कुसा वे माय टाक्यो, पेन इं सेवट नांय आथों. तुमा सौताहा वाचा इं केहेकी वेअयो आन इसू ख्रिस्ता गोठचा आन कामें केहेकी चालु हाय!

भाषा: खोलची - वसावी

ISBN: 978-90-73150-76-8